



Aktivnosti u Komori...

INSTRUKTIVNI PRIPREMNI SEMINAR ZA POLAGANJE PRAVOSUDNOG ISPITA



Kantonalna privredna komora u saradnji sa Ministarstvom pravosuđa i uprave Tuzlanskog kantona i resornim ministarstvom Federacije Bosne i Hercegovine organizovala je instruktivni pripremni seminar za polaganje pravosudnog ispita. Seminar traje 120 sati a obuhvata problematiku iz svih stručnih predmeta koji su predviđeni programom za polaganje pravosudnog ispita. Predavači su eksperti iz pojedinih oblasti koji su ujedno i članovi ispitne komisije.

K.I.

PROGRAM PARTNERSKOG GRAĐANSKOG ZASTUPANJA



NEZAVISNI BIRO ZA RAZVOJ
INDEPENDENT OFFICE FOR DEVELOPMENT

Udruženje Nezavisni biro za razvoj u partnerstvu sa Kantonalnom privrednom komorom Tuzla, u sklopu Projekta "Program Partnerskog Građanskog Zastupanja", a koji podržava Centar civilnih inicijativa, realizovaće projekat pod nazivom; »Bh. vlasti i nezaposlenost«. Kampanja, pod nazivom nezaposlenost je odgovornost svih nas!, će biti implementirana u periodu od 9 mjeseci (novembar 2007.- juli 2008.) na području Sjeveroistočne Bosne i Hercegovine. Tim povodom u Komori je upriličena konferencija za novinare.

Kako je istaknuto, krajem oktobra u Federaciji Bosni i Hercegovini, na evidencijama službi za zapošljavanje, bilo je 371.342 nezaposlenih osoba, što predstavlja povećanje za 325 osoba, ili 0, 09 posto u odnosu na

septembar ove godine. Prema podacima Federalnog zavoda za statistiku, najveći broj registriranih nezaposlenih osoba nalazi se u Tuzlanskom kantonu - 90.564 (24, 39 % u odnosu na ukupan broj nezaposlenih u F BiH). Ako se taj broj uporedi sa brojem zvanično zaposlenih na području TK (75.591 osoba) onda su ti podaci krajnje zabrinjavajući. Projekat, općenito, želi doprinijeti smanjenju stope nezaposlenosti kroz iniciranje provođenja strukturalnih reformi u oblasti zapošljavanja na različitim nivoima vlasti u Sjeveroistočnoj Bosni i Hercegovini.

Projekat će doprinijeti jačanju koalicionog zagovaranja sadržanog u Građanskoj platformi za izbore 2006. godine. Naime, iako su u okviru „Građanske platforme“ bh. građani artikulirali svoje potrebe i nezaposlenost stavili među prioriteta pitanja, sve

dosadašnje analize ne ulijevaju optimizam kada je u pitanju riješenost bh. vlasti da se odgovorno i efikasno pozabave problematikom u oblasti tržišta rada. S tim u vezi, Projekat ima za cilj da, do polovine 2008. godine, dodatno osnaži javni kritikizam i ojača odgovornost predstavnika zakonodavne i izvršne vlasti na kantonalnom nivou kako bi se iniciralo sistemsko rješavanje problema nezaposlenosti. Taj proces bi se sprovodio kroz zagovaranje uspostavljanja neophodnih interresornih radnih grupa zaduženih za kreiranje akcionih planova zapošljavanja, a u skladu s već primijenjenim praksama u okruženju i EU. Cilj Kampanje je, prije svega, skrenuti pažnju na potrebu kreiranja efikasnijih politika zapošljavanja i osiguravanja značajnije institucionalne podrške za primjenu primjera dobre prakse koji doprinose lokalnom ekonomskom razvoju i zapošljavanju.

K.I.

SJEDNICA ODBORA UDRUŽENJA ZA TEKSTIL, KOŽU I OBUĆU

Udruženje za tekstil, kožu i obuću Kantonalne privredne komore Tuzla, upriličilo je redovnu sjednicu Odbora u prostorijama preduzeća "Kula" u Gradačcu. Nakon diskusije nekolicine učesnika usvojen je dnevni red koji su sačinjavale Aktuelna problematika u industriji tekstila, kože i obuće i Program (plan) rada Udruženja industrije tekstila, kože i obuće za 2008. godinu. Na sjednici Odbora, istaknuti su brojni problemi koji prate industriju tekstila, kože i obuće kao niskoakumulativnu proizvodnju i industriju koja u najvećoj mjeri zapošljava žensku radnu snagu. Kao glavni problemi istaknuta je, neujednačenost direktnih poreza u BiH, s obzirom na znatnu razliku u porezima i doprinosima

na plate u entitetima, Federacija BiH, Republika Srpska i Distrikt Brčko i da to čine skoro nepremostive prepreke u pogledu konkurentnosti i praktičnu nemogućnost učestvovanja u tenderkim procesima preduzeća iz Federacije BiH. Takođe u pogledu carinske politike istaknuti su brojni problemi od zahtjeva za ukidanje nekih carinskih barijera pa do zahtjeva za oslobađanje od plaćanja carinskih evidencija za robe iz domena industrije tekstila, kože i obuće. Posebno su pohvale iznesene Vladi TK zbog obezbjeđenja podsticaja putem Ministarstva za industriju, energetiku i rudarstvo sa iskrenim nadanjima da će se podsticaji za 2008. godinu snažno usmjeriti u granu industije tekstila, kože i obuće. Posebno imajući u vidu činjenicu da skoro 60 % svoje proizvodnje, ova grana, industije usmjerava na ino tržišta



ali i na činjenicu da relativno mala ulaganja mogu obezbijediti nova radna mjesta. U tom smislu predloženo je i zaključeno da se već krajem januara ili početkom februara održi tematska rasprava odnosno okrugli sto na temu «Aktuelna problematika u industriji tekstila, kože i obuće i perspektive» sa učešćem predstavnika vlada Federacije BiH i Tuzlanskog kantona, poslanika u Federalnom i kantonalnom parlamentu, privrednika i ostalih zainteresiranih. Na sastanku je usvojen i prijedlog «Programa rada udruženja industrije tekstila,